

HERRIA MUGI! Gizarte taldeek globalizazioaren ondorio larrien aurka egin beharrekoa ere sakon aztertu dute

Desobedientzia eta herri ekimenaren diagnosiaren gogoeta egin dute

Barriako Topaguneak atzo egindako gogoetek segida izango dute udaren ondotik, eztabaida osatzeko asmoz

Luis Karlos Garcia | GASTEIZ

Herria Mugi!-k Barrian (Araba) antolatutako Topaguneak aurrerapauso handiak egin zituen atzo goizean Euskal Herriko herri mugimenduen egoerari buruzko gogoeta egitean, baina, hala ere, gogoeta prozesuan izandakoek EGUNKARIARI azaldu ziotenez, eztabaidak zabalik jarraitzen du, eta datozen hilabeteetan osatzeko asmoa daukate, uda ondoren.

Izan ere, atzoko saioetan herrialde bakoitzeko egoeraz ondorioztatutakoak txosten bate-ratuan agertu, eta, urtea amaitu aurretik, aztergai jarriko dituzte atzera ahalik eta gehien aberas-tearren.

Herri ekimenaren tipologiari dagokionez, atzoko saioek agertu zuten azkenaldiko joerak talde kopurua ugaltzea ekarri duela, nahiz eta, aldi berean, bakoitzean aritzen den jende kopuruak behera egin duen. Gainera, multimilitantzia ohartarazi zuten, zenbait pertsona talde batzuetan aritzen baitira, sareen eraketaz ardura-tzeaz aparte.

Taktika nahiz estrategia desobedienteak taxutu ziren

Barriako beste gogoeta gunek batek desobedientziari heldu zion, eta, honek ere, nahiz eta hausnarketa dezente sakondu areago eztabaidatu beharra eskaini zuen. Hala, ziur aski, gai



KARLOS BIGURI

Barriako (Araba) aterpetxeak hartu zuen Topagunea. Gaur bigarren saioa izango du.

bakarreko saioa antolatuko da datorren udazkenean-edo.

Bildutakoek Espainiako Atzeritarren Legea adibidetzat hartu eta horren gaineko taktika nahiz estrategia desobedienteak taxutu zituzten.

Eztabaidak bi adostasun puntu nagusi izan zituen: errepresioa aurreikusi eta zigorra asumitu beharra dagoela eta garrantzitsuena dela gizarte

babesa izatea, ez jende kopuru handiak hartzea parte. Adostu gabeko debatea izan zen, berriaz, errepresioa bilatu egin behar ote den ala ez. Sistema juridiko, Polizia edo hedabideekin nola jokatu ere izan zuten hizpide.

Bestalde, herri mugimenduek globalizazio prozesuan jokatzeko modua ere aztertu zuten. Antzezlan batek eman zion ha-

siera saioari, eta gero, zenbait tailer egin ziren. Tokian tokiko izaera duten taldeek testuinguru globalean jardun behar izatean gertatzen denaz hausnartu zuten batez ere, eta, ildo horretan, herri baten eskubideak defenditzea globalizazio homogeneizatzailari aurre egitea dela ondorioztatu zuten, soilik nazioarteko gailur jakinetan aritzea aski ez dela aipatzeaz gain.

ONDORIOAK

Talde gehiago, jende gutxiago

Hona atzo goizeko saioetan ateratako ondorio batzuk:

HERRI MUGIMENDUEN EGOERA.

Talde ugari sortu dira, baina jende gutxiago aritzen da bakoitzean. Egungo polarizazio politikoak borroka batzuk estali eta baldintzatu egiten ditu. Sareen funtzionamendua egokia da talde bakoitzak bere berezitasunei eusteko modua dakarrelako.

DESOBEDIENTZIA. Zenbat jende parte hartzen duen ez da funtsezkoena, ekimenak duen gizarte babesa baizik. Errepresioa aurreikusi eta zigorra asumitu behar da, atxiloteta bera mezua zabaltzeko aprobetxatuta.

GLOBALIZAZIOA. Emakumearen ikuspegia berezkoa hartu behar da aintzat. Ez da aski soilik nazioartean aritzea, maila lokalean ere jo behar baita. Kontuz Interneten bidetako militantzia birtualarekin, tokian tokiko oinarririk gabea. Harremanak estutu bai, baina talde bakoitzak bere nortasunari eutsita.



Zumarragako Udala

IRAGARKIA / LEHIAKETA

HELBURUA: Zumarragako Esteban Orbegozo auzoko urbanizazio obra lanak gauzatzea Udaleko Bulego Teknikoak idatzitako proiektu teknikoaren arabera: 2. fasea.

LEHIAKETAREN OINARRIA: 59.116.254 pezeta (355.295,842 E), BEZ barne.

AGIRIAK: Baldintza administratibo berezien txostena eta Zumarragako Esteban Orbegozo Auzoko Urbanizazio obra lanak gauzatzeko Proiektua Aldaki fotokopiak izeneko dendan jaso ahal izango dira (Ipeñarrieta, 2, Urretxu).

PROPOSAMENAK ONARTZEKO EPEA: Ekainaren 6ko eguerdiko ordubiak baino lehen (GAO 2001-05-11, 90. Zki.).

Zumarragan, 2001eko maiatzaren 18an.
ALKATEAK,
Sin.: Aitor Gabilondo Ruiz.

Maiatzaren 25-26

Ostirala
Egun guzian
Ekoizpenen Feria
B A I O N A
Españako atea
Arratsaldeko
Getarik goiti
Sagarnoa dohainik
eta afaria
Sagarno Eguna
Laguntzailea
Egunkaria
Antolatzaileak:
Gure Irratia, Ikastolak, Gau Eskola, Idoki

GOIZPER S. COOP.

ANTZUOLAKO LANTEGIRAKO BI LANPOSTU FIJO
BETETZEKO LANGILEAK BEHAR DITU:

2 LH-II MEKANIKARI MEKANIKAN GOI MAILAKO ZIKLOA

Mekanika tailerrean lan egingo dute. Kontuan hartuko da lan esperientzia izatea, batez ere mekanizatuan, baita eskualdean bizi eta euskara jakitea ere.

2001eko uztailaren 31 baino lehen ikasketak amaitu eta dagokion titulua lortzen duten izangaiek ere, Hautaketa Prozesuan parte hartzeko aukera izango dute.

Interesatuok bidali zuen kurrikuluma Ordiziako 89 posta-kutxatilara,
20240, Gipuzkoa, gutunazalean 34/ 01 erreferentzia jarritz.

Aurrez aukeratutako hautagaiei soilik erantzungo zaie 30 eguneko epean.



T.S.I.

SELECCION. FORMACION